

御史不許養病省親

成化二年十月初三日吏部為此憲官員患病事考功清吏司案呈奉本部送吏科抄出都察院右副都御史李等題查得舊例在京各衙門官員患病許回原籍調治天順二年十月初四日該吏部官奏奉

英宗皇帝聖旨今後御史再不許養病省親欽此欽遵以後各衙門官

員仍有例告回原籍養病惟御史患病者因有奉到前項旨意俱各在京自有請醫調治不敢告回原籍養病多無親人跟隨在

任之人請醫調治以致病死於官且如湖廣道監察御史李

麟襲譙河南道御史伍驥俱患風弱等病在京月久或乏醫

藥乏賞或無主病乏親調理不痊俱致身歿今又查得戶部奏

准内外文武衙門遇有官員患病三箇月之上者即將該得俸糧

截日住支臣切惟御史中間家道充實又有積蓄親人

跟隨者患病因無足慮其或家貧及止有幼男婦女在任得
患久病者仍照前例不許放回養及三箇月之後又行依律住
俸誠恐月久衣食不給又無人請醫調治致使在官病故不
惟喪柩回家艱難抑恐妻子失所無歸伏乞

聖明勅吏部今後御史如果久病照依各衙門官員患病事例查勘
是實許令回原籍調治病候痊之日即便回任管事如此
廢使事例歸一而

聖恩均沐矣具題

聖旨是今後御史果有病的放回養病詐病照舊不許吏部知道欽此欽遵
抄出到部送司查得天順二年十月三十日談太監牛玉傳奉
聖旨着吏部查丁憂養病省親御史寫來看欽此欽遵將查出丁憂御
史姓名開坐具題次日奉

聖旨丁憂的着服滿了來養病省親的便都取將來果有的病就着

在京養今後御史再不許養病省親欽此

各處分巡分守官遇有應勘事情俱要親躬勘

問及於守巡地方常川往來例

成化三年二月初三日都察院右副都御史賈 等題為

禁約瞻職事該雲南按察司呈准洱海道關一起陳情道

制聚衆鬧賣官封銀塲等事據委官洱海衛鎮撫孫謙呈問得犯人

陶祥誣告臧等徒罪照例納米李三兒供明照出結

揮等官李嵩等無干又准金滄道關一起貪暴違法

等事據委官楚雄府碕嘉縣知縣王章等呈問得犯人

楊隆羅痢等各徒杖罪杜文海供明聚衆劫財毀房

屋人命等事俱委官王章呈問得阿你阿囊等各

徒杖管罪張迪等供明照出主簿張瑞等無干除參

詳乞當及行原委官員將各犯依擬發落外各將委官